

書

天文書目錄

第二類凡十二門。斷說世事吉凶。

第一門。揔論題目。

第二門。論上下等第應驗。

第三門。說災禍征戰之事。

第四門。說天災疾病。

第五門。說天時寒熱風雨。

第六門。說陰雨濕潤。



第七門說天地顯象之事。

第八門斷說天象。

第九門說物價貴賤。

第十門說日月交食。

第十一門說土木二星同度相纏。

第十二門說世運。

天文書第二類

第一門揔論題目

凡七曜見吉凶皆應於人間。若各星廟旺升降。或在本宮或在分定度數。或在三合或順或逆。一切皆應驗於人。若在廟旺本宮主其人高貴。若在降宮則其人低微。若在升宮主其人發達。遇吉星必吉。凶星必凶。若星順行主諸事順遂。若星逆行則凡事顛倒不遂意。一切星象皆照。

此例推之。蓋天上白羊等四十八象。每一象。地下必有一物象應之。地下之象。應上象之吉凶。凡交新年。必有安年命之理。太陽交白羊宮初秒。看此時東方。是何宮度出地平環上。將此宮度。便作安年命度數。若安年命在定宮。一年禍福。皆依此宮分斷之。定宮者。金牛宮。獅子宮。天蝎宮。寶瓶宮是也。若年命在二體宮。此年禍福。只斷得上半年。候太陽交天稱宮初秒時。又看

是何宮度出地平環上。安下半年之命。却斷下半年禍福。二體宮者。陰陽宮。雙女宮。人馬宮。雙魚宮是也。若此年安命在轉宮者。則分於四季。初。斷春季禍福。待太陽至巨蠲宮初秒時。看是何宮度出地平環上。即是安夏季之命。太陽至天稱宮初秒。看是何宮度出地平環上。即是安秋季之命。太陽至磨羯宮初秒。看是何宮度出地平環上。即是安冬季之命。每季禍福。皆依安

命宮分斷之。凡一大聖人。或大賢人。出世。即將
本年年命宮為主。斷其吉凶。若看人主之命。不
得知年月日時者。即看入城之時。或登位之時。
是何宮度出地平環上。即安命宮。以斷其終始
吉凶。若太陰與太陽相會。相衝。或在二弦。呼為
四柱。若吉星在太陽光下。或逆行。則減吉。若凶
星在本宮。或在廟旺宮。或在分定度數上。則凶
不為凶。凡四柱主成全創立之事。顯驗有力。若

四輔柱宮分。則望事欲成。創立顯驗之事。并氣
力皆減半。若四弱柱宮分。則凡事蹭蹬不成。全
無氣力。

第二門論上下等第應驗

凡論人間禍福。看本年安命宮。七曜中最旺的
星辰為主。將當年禍福。從旺星上斷說。若命宮
是定宮者。斷一年之禍福。若命宮是二體宮者。
將禍福上下半年斷之。若命宮是轉宮者。將禍
福四季斷之。若要知國家一歲之事。其安年命
在晝者。看太陽。并第十宮。并第十宮主星。若安
年命在夜者。看太陰。并第十宮。并第十宮主星。

若要知民間一歲之事。看安年命宮取最旺有力之星。并太陰為主。若論臣宰。并吏人。公使人等。看水星。若論賢德君子之人。看木星。若論有名望故家。并老人。農人。看土星。若論軍官。軍人。軍器。并一切軍務。看火星。若論陰人。樂人。看金星。若論快行人。并使臣。看太陰。已上看各星辰衰旺。斷其人吉凶。若論人身體安寧。看本星得本體之力。若論官貴興旺。看本星得相助之力。

若論福祿并財。看本星無得本體相助之力。若論經商財利。看第二宮。又看第二宮主星。又看福德箭在何宮。并宮主星。已上各星與命宮。或命宮主星相照者。各得順受之力。若太陽入白羊宮。或巨蠡宮。或天秤宮。或磨羯宮。初度看此時各星除相衝外。但照廟旺度數者。此季主高貴興旺吉。若福德箭并聰明遠識出衆之箭。其宮主星并三合宮主星。在有力吉位。又互相吉。

照者。諸事皆吉。若已上星在無力位分。又與各星惡照者。諸事皆不吉也。聰明遠識出衆之箭者。主君王志氣識見方畧。若此箭在吉照旺宮。則行事聰明皆全。若在凶照弱宮。則行事聰明不全也。若年命第九遷移宮。有一二星係廟旺。或三合。或分定度數。則其年人多出外。凡地理分為七界。每一界分一主星。從南起第一界是土星。第二界是太陽。第三界是水星。第四界是

木星。第五界是金星。第六界是太陰。第七界是火星。看其年安命宮在何處。各星中何星有力強旺。則其界人。諸事皆吉。若其星無力衰敗。則其界人。諸事皆不吉也。凡當年安命在何宮。何度。看命前宮分有何吉凶雜星。從安命度上數起。依太陽所行中道。每一日五十九分八秒。看幾日。到前項雜星上。吉星則諸事皆吉。凶星則諸事不吉。應在其時。假若安年命在獅子宮第

十度有一吉雜星在雙女宮第十二度相離安命處三十二度從命度數起三十二日有零至其處當有吉應餘同此例又看當年七曜在命前後何宮何度亦從安命處數起該幾日到其星處即應其星吉凶如木星則應賢德君子土星則應農人老人之類若看君王登位時東方是何宮分度數出地平環上將此作命宮又看命宮度數并主星并太陽太陰在何宮分又看

命宮出地幾度對黃道的赤道度數幾度看命宮前有何吉雜星及看吉星出地幾度對黃道的赤道度數幾度其命宮赤道度數與雜星赤道度數多寡不同將多者配少者之數餘剩幾度一度准一年該幾年至吉星之度則其年大興旺也若此星係雜星內第一等第二等吉星者主開拓疆宇為福甚大若雜星係凶星者則心神不寧又多憂慮事不如意也若安年命宮

數至小限。在何宮分。看此宮分有何星。假如此宮分有土星。則年尊位高者有災。若有木星。則臣宰賢德。有學之人災。若有火星。則軍官軍人災。若有金星。則陰人災。若有水星。則吏人災。若有太陰。則陰貴人災。

第三門 說災禍征戰之事

先看交年命宮。并四季命宮。坐何宮分。若火土二星相衝。或二弦照。則有災禍征戰之事。若此二星在四柱宮。則其事尤大。且急。若不在四柱上。看離四柱內一柱幾度。或二星內一星。行到四柱內一柱上。或四柱內一柱度數。排到二星內一星上。則其禍應驗。每排度數。一日該五十九分八秒。若安年命宮之時。火星在太陽光下。

則其年有災禍征戰之事。若每季安命宮時。火星在太陽光下。則其季有災禍征戰之事。若太陽與太陽相會。或相衝時。取一命宮。此時若火星在太陽光下。則其月有災禍征戰之事。相會時。應上半月。相衝時。應下半月。假如在四柱。或轉宮。則災禍征戰之應。更甚且大也。若安年命在晝。火星與太陽相衝。或二弦照。又在轉宮。則小人反叛。火星若是當年主星。又逆行。到不得

力至弱。宮度。又無吉星相照。則必有姦人詭計。侵亂國政。因此兵興。若火星當年與福德箭。并聰明遠識出衆之箭。或相衝。及四柱照者。則有惡人生發戰爭之事。又云。征戰之事。取兩箭之法。一為征戰之箭。二為殺戮之箭。第一征戰之箭者。取用之法。不分晝夜。看年命星盤。太陽在何宮度。從太陽所在宮度上數起。至第七宮。計幾度。將年命度數。合為一處。摠計多少。從命宮

分與三十度財帛等宮各分與三十度至何宮
分餘剩幾度便是征戰之箭。第二殺戮之箭者
取用之法。不分晝夜看當年火星在何宮度。從
火星數起至太陰幾度。又將太陽所行度數。合
為一處。揔計多少。從太陽所在宮分。分與三十
度。以次順數。每宮各分與三十度。到何宮分。餘
剩幾度。便是殺戮之箭。若安年命宮內。或四季
命宮內。或朔望命宮內。火星與二箭內一箭相

遇在一處。又兼其宮分屬火。亦應其時災禍。征
戰。若在其餘宮分。亦應其禍。比上減輕。若火星
與太陽相衝。或二弦照。或與太陽所到宮分主
星相衝。二弦照者。看其三合在何處。則其處地
方聲息。君上之心不寧。又一說。看人君命宮。或
入城時安命宮。或登位時安命宮。看小限到何
宮。從小限數至第十宮。若火星在四柱惡照者。
則有刀兵征戰。

第四門說天災疾病

先定當年安年命宮。又當年交年之前。太陽與太陰相會。或相望時。取一命宮。看此二命宮。并命主星。俱要看太陰。若二命宮。并命主星。并太陰。六件。皆居吉位。又無凶星相照。主其年人民安樂無病。若此六件內。吉多凶少。亦主安樂。若此六件不得地。又有惡星相照。其年必有天災。人多疾病。此是安年命如此。其四季。每季命宮。

亦依此例。若年命宮主星與第六宮主星相遇相照。太陰又不得地。其年必有天災人病。其太陽與太陰相會或相望時。命宮及四季安命宮亦同此例。若年命宮主星與第八宮主星相遇相照。太陰又不得地。其年人多死亡。凡人病。因各星與太陰惡照而然。若土星與太陰惡照。則有久病淹連歲月。肌肉羸瘦痞滿。及婦人小腹氣疾。蠱證。一切冷燥證候。若木星與太陰惡照。

則有肺病。喉證。中風。昏暈。頭疼。心疼。一切風證。若火星與太陰惡照。則發熱。并肝胃證候。并吐血。及婦人墮胎。并一切熱證。若金星與太陰惡照。則心氣疼。腎經病。虛腫。浮游不定。痔瘡。服藥不効之疾。及一切濕證。若水星與太陰惡照。則有心風。失智。恍惚。驚恐。從高墜下。暗風。喉痛。吐血。一切乾燥之證。若太陽與太陰惡照。則與火星性同。若太陰自不得地。別無各星惡照。則同

金星之性。若土星與福德箭。或聰明遠識出衆之箭。惡照者。則一切人災。與上文土星與太陰惡照災同。

第五門

說天時寒熱風雨

凡太陰先與一星相照。及相離後。別與一星相照。後相照之星。却是太陰所在宮主星。此星所在宮分。又與太陰宮分相對。主潤澤。并風。如太陰離火星。與金星相照。或離太陽。與土星相照。或離土星。與太陽相照。太陽木星。水星屬風。其宮分。則陰陽申天。稱辰。寶瓶子。皆屬風。若年命星盤。是火宮。土星在內。則減熱。火星在內。則添

熱。若年命星盤是土宮。土星在內。則添寒。火星在內。則減寒。若年命星盤是風宮。土星在內。則減熱。火星在內。則添熱。若年命星盤是水宮。土星在內。則添寒。火星在內。則減寒。若太陽木星水星。或三星。或兩星。在風宮。則多風。若近安年命之前。或近四季安命宮之前。或近朔望安命宮之前。七曜內一星。在申子辰宮。或與申子辰宮相照。則多風。看星何性。其風隨其性也。觀風

自何方來。看本星緯度屬何方。若火星在其宮。則有惡風。天色紅。雲氣若土星在內。則風不急。而寒。若木星在內。則有和風。比土星之風微急。若金星在內。則和風帶潤。若水星在內。則有清風。若太陽在陰陽宮。太陰在人馬宮。看此時有和風。則一年之風皆善。若有惡風。則一年之風皆惡。若土星在申子辰。或亥卯未宮分內。主天寒。雨雪霧暗。若火星在內。主天熱。并熱風。又主

天旱井泉水少。若木星在內則有和風。若金星在內則和風不急。若水星在內則清風頻轉方位。若近安年命宮之前或近四季安命之前或近朔望安命之前。土星在寅午戌宮分內則減熱。若在亥卯未宮分內則天氣極寒。若火星在寅午戌宮分內主天色極熱。若在亥卯未宮分內則天色減寒。若太陽交巨蠲宮初度此時火星先太陽出主天色極熱。若太陽交磨羯宮初

度此時金星先太陽出主天色極寒。若太陽與土星同度後離了土星在巳酉丑三宮內主冬季天極寒有雪。若太陽與火星相衝後離了火星火星又在寅午戌宮分內主夏季極熱。若太陽在安年命宮或四季命宮或朔望命宮太陽與太陽相會時或二弦時或相望時遇火星後離了火星又遇金星或先遇金星後遇火星主兩水多。若太陽在巳上四處遇土星後離土星

却遇太陽。主夏季極熱。冬季極寒。若太陰在巳上四處。與土星相照。主冬季極寒。多雪。若在夏季。主減熱。若太陰與木水二星相照。則多風。

第六門 說陰雨濕潤

凡雙魚亥。巨蠊未。天蝎卯。三宮。係水局。獅子午。寶瓶子。二宮。并太陰。皆主大雨水。金星亦主雨。并霧露。水星主雲風。微雨。若當年安命主星。并四季安命主星。并朔望命主星。是太陰。或金星。或水星。又在亥卯未子午宮分內一宮。三星內。一星為命主星。二星與之相照。主依時雨水多。若命主星是太陰。主大雨水。多且廣。若命主星

是金星。則有風雲。陰暗。雨水。若命主星是水星。則風雲多。雨少。若已上星在所在位分。不係作雨時節。則陰暗。風起。微雨。凡水星每交一宮。主天色更改。晴則陰。陰則晴。若水星行遲時。不問在何宮分。亦主天色更改。并陰霧。若水星行遲。或太陰。或金星在亥卯未宮。主雨水。連陰。若太陰在水星宮分內。與金星相照。主雨多。陰重。若水星又與金星相照。則陰雨又大且多。凡太陰

金星。水星。初交亥卯未三宮。主及時雨。若不當雨時。則天昏暗。風起揚塵。若太陽太陰相會。或相望時。安命主星與第七宮主星相照。或移光相沾。或聚光。似此。亦主雨時有雨。不當雨時。則天暗。起風熱。時則極熱。冷時則極冷。又一云。若太陰與金星火星相照。主雨。若太陰與木星水星相照。則風。若太陰與土星相照。則極寒。風雪。凡金星後太陽而入。在亥卯未三宮內一宮。主

當雨時有雨。若又有太陰水星相照。主有雨尤多。但一件不全。則雨稍減。若此三星皆在雙魚亥宮。或亥宮三合內。則雨多有水災甚廣。凡太陰主雨水之事甚多。一件若太陰行疾。度數漸增。則雨水多。又一件太陰或近朔或近望時。亦主雨水。又一件太陰在小輪上。自下往上升高時。主雨水。從上弦至望日。是太陰升高之時。從下弦至朔日。亦是升高之時。若安年命宮。或四

季命宮。或朔望命宮。太陰在四柱上。主大水。年命見之。應在其年。四季命宮見之。應在各季。朔望命宮見之。應在其月。朔係上半月。望係下半月。若太陰在當年安年命宮星盤內第十宮。第九宮。第八宮。第四宮。第三宮。第二宮。六陰宮分。主多大水。若在此六宮相對宮分。係陽宮。主雨水少。若當年命宮主星是火星。遇太陰金星。水星在亥卯未宮分。與火星相照。火星又在第十

宮或在命宮第十宮又或是亥卯未宮分主無限大水若金星水星又是逆行又遇惡星相照則水災尤甚若安年命宮主星是土星如此土星又當降下之時亦主大水若安年命宮主星是金星或木星或太陰如此亦主雨水頻比上文稍減不為災。

第七門 說天地顯象之事

凡天上所顯之象與地上所應之事如地震山移等事若火星在安年命第十宮或四季命并朔望命第十宮主天上有紅氣如火并彗星若第十宮是風局主已上所應之事愈重又無水星與火星相會或相衝則已上所應之事尤重若此時火星與太陰惡照則已上所應之事亦重若土星在安年命或四季命或朔望命第四

宮主天色黑暗并地震。若第四宮是土局。此事愈重。若土星與水星同度。或相衝。則已上所應之事亦重。若太陰與土星惡照。則已上事亦甚重。若火星在小輪上升上時。則彗星顯大。若土星在小輪上升上時。則天暗地震甚重。若火星在安年命。或四季命。或朔望命內。第四宮。又是土局。無吉星與之相照。却有水星相照。則地上有火災。并地震。地裂。廢鑛。若安年命。或四季命。

或朔望命內。第十宮。是風局。或火土二星在此。或太陰在此。與惡星惡照。則彗星甚大如火。又流星多。若此第四宮是土局。又有惡星惡照。又太陰在此。則天暗地震。

第八門 斷說天象

凡彗星有四等。第一等。尾向上抬。第二等。尾向下垂。第三等。其象似鎗竿。第四等。其象似鬚。身細頭大。其星之性。與水火二星同。若此等彗星見時。世上所應之事。有刀兵征戰。火災地震等事。然其事亦有輕重。按宮分。說所應方位。若在寅午戌宮分。上顯時。應在東北方。若在巳酉丑宮分。上顯時。應在東南方。若在申子辰宮分。

天文書二
上顯時。應在西南方。若在亥卯未宮分上顯時。應在西北方。若此星東出地平環上。微升高者。所應之事。止在東方。災禍微輕。顯驗在近過疾。若西方見者。其應亦如此。但過遲。若此星升高。到午位前後者。其應驗寬大。若太陽東出西入時。清朗無雲翳者。主晴明。若太陽東出西入時。有雲霧遮掩。或雲色不等。圍繞太陽。及太陽色紅似火。光顯長者。必有狂風。若色黑青。又有雲

氣。又太陽周圍有暈者。則天色陰暗。霧雨。若太陽朔望之前三日。或上下二弦之前三日。近太陽周圍清淨。無雲霧氣色者。主天色晴明。若太陽色紅。光環不定。則有風。若色黑暗青。則天陰有雨。若雜星。比常時明朗顯大者。必有風。其星光偏一邊者。應其方有風。若星光四散者。有亂風。若虹。見在天晴時見者。主雲起有雨。若天陰時見者。主晴明。

天文書二
三

第九門 說物價貴賤

凡物價貴賤。看各月朔望安命宮主星。最緊要的。是當年安命之前朔望命宮。并四季安命之前朔望命宮。又看命宮主星。又看太陰。若宮分是土局。主一切五穀之類。若宮分是水局。主一切水中所產之物。若宮分是火局。主一切鑛中所產之物。若宮分是風局。則干係奴僕六畜之類。凡七曜。土星。主烏香。瀝青。但藥材黑色者。木

星主五穀并一切味甜之物。金星與木星同。又主銀并婦人首飾香貨奴僕。火星主一切辣物。兵器。水星主金并一切花樣之物。及淺色之物。太陽與水星同。太陰與金星同。已上各星若力重。又在本輪上往上升時。及出地平環往上升時。主所屬之物貴。若各星力弱。又在本輪上降下。及西落時。則所屬之物賤。若木星在當月朔望命宮內。又有力。又與朔望命宮主星相照。或

金星相照。命宮第四位宮主星有力。無凶照。第二宮主星與命宮主星吉照。主百物豐阜。價賤。若此朔望命宮在安年命之前。則一年物賤。若在一季之前。則一季物賤。若宮分星曜異此。則百物皆貴。若太陰朔望與土星相照。土星在小輪上升高時。主百物皆貴。若又有水星與土星相照。則物添價湧貴。如土星在土局。則五穀之類貴。土星在水局。則魚鱉之類貴。在火局。則一

切鑛中之物貴。在風局則奴僕六畜之類貴。若安年命宮主星在四柱內一柱上。又行疾。比前度數漸增。則物添價。若在命宮。物貴在春分至夏至。若第十宮。貴在夏至至秋分。若第七宮。貴在秋分至冬至。若第四宮。貴在冬至至春分。若太陰或朔望命主星。看二星何者有力。其有力之星。在命宮。或在第十宮。或在第十一宮。或在第五宮。又在分定度數上。或在三面度

數上。又比前行度增。或在廟旺宮度上。或與一星相照。是增價之星。則諸物增價。此二星。若在第四宮。并第七宮。或第四宮第七宮中間相遇。一星。其星有力。則物價不增。人買者多。若此星無力。則物價不增。人買者少。若有力之星。在第三宮。第九宮。強旺。則物價減。賣疾。若其星無力。則物價減。又賣遲。凡木星。主物價賤。若無力時。極賤。土星。主物價貴。若又在廟旺有力處。則愈

貴。若土星在四柱內一處。又在升上時。主物極貴。難得。若在分定度數上。并三面度數上。有力處。則物賣快。若安年命宮四柱上。并四季命宮四柱上。何星所管有力者。其星又在本輪上升高處。又在分定度數上。則其星所屬之物。貴而稀少。若本星行疾。則物愈貴。添價。難得。若行遲。則物亦少。其價不增。若行度又減時。則物依前稀少。却減價。

第十門 說日月交食

凡日月交食。其應一同。但太陰所應之事稍輕。太陽所應之事重。其說有七。第一。說應各處地方城池。第二。說災禍日期多寡。第三。說災禍最重處在何時。第四。說五星中。是何星主虧食之災。第五。說應在何人物上。第六。說應何等災禍。第七。說禍應有多寡。第一。說應各處地方城池者。凡各處城池創立之時。定一安命宮。以安命

宮為主。看日月虧食在何宮分。其宮分屬何局。其宮分下屬何處城池。其禍應於彼處。若不知各城池安命宮時。看日月虧食在何宮分。是何局。其局屬何方。其禍應於彼。上古人多體驗來。如一城池命宮屬白羊宮。其年日月虧食在白羊宮分。則災禍應在白羊宮所屬城池。其餘一體推之。第二說禍應日期多寡者。凡日月虧食。看初食時。至生光時。時刻多少。若太陽虧食。每

一時准一年。其禍應在一年之內。若太陰虧食。每一時准一月。其禍應在一月之內。第三說災禍最重處在何時。看日月虧食分數。至極處。是正食。看初食時。至食盡時。幾箇時辰。太陽一時准一年。太陰一時准一月。應在其時。第四看虧食在何宮分。看此宮主星。又看虧食安命宮。并宮主星。看二星何者力強。若二星力同。以虧食宮主星為主。安命宮主星相助。若安命宮主星

力大將此星為主。其餘星比此星力微少者為助。若雜星內有一星在虧食宮分度數上。或在安命宮分度數上。或在安命星盤第十宮并五星中有一星先太陽出地平環微高者。又看土木火三星在順行時。將已上有力星。或一星。或二星。或雜星內一星作虧食之主。第五說日月虧食。應在何人物上。看取用主星在何宮分。又看宮分是何體象。其禍應在其象上。若在陰陽

宮雙女宮。天秤宮。人馬宮。上半宮寶瓶宮。此五宮應在人事上。若在白羊宮。金牛宮。磨羯宮。此三宮應在六畜。若在巨蟹宮。雙魚宮。此二宮應在水中之物。若在天蝎宮。其應在蛇蝎蜈蚣等類。若在獅子宮。其應在猛獸之類。若其宮分有一雜星。按何等之象。其應在其象上。其象在黃道南。則有大風雨水大。其象在黃道北。則地震并地裂地陷。若虧食主星在土局內。其應在土

中一切所產之物。若在風局內。應在人事。并六畜。若在水局內。應在水中之物。若在火局內。應在金銀銅鐵等鑛。并寶貝之類。若虧食主星在白羊宮。應春季所產之物有損傷。若虧食主星在巨蠊宮。則夏季一應所產之物有損傷。若虧食主星在天稱宮。則秋季一應所產之物有損傷。若虧食主星在磨羯宮。則冬季一應所產之物有損傷。若虧食主星在白羊宮。或天稱宮。其

災禍應在寺觀菴院。若虧食主星在巨蠊宮。或磨羯宮。則人之性格改移不定。若虧食主星在定宮者。應人間房舍損壞。若虧食主星在二體宮者。應在人事上。日食。則關係君王。月食。則關係后妃。并臣宰。若虧食主星在轉宮者。其應在庶民。并小人輩。若太陽虧食主星在西入時。太陽虧食主星在東出時。已上所言災禍減輕。若虧食主星與太陽太陰相衝時。已上所言災禍

減半。若太陽虧食主星東出。太陰虧食主星西入時。已上所言災禍應重。第六說應何等災禍。看虧食主星是何星。依其星之性斷之。若二星三星者。將各星之性相合斷之。若虧食主星是土星者。主極寒傷百物。論人事。則人多害。冷證纏綿日久。并愁悶恐懼。論六畜。則有災病損傷。論天色。則極寒結凍。天昏雲暗。天氣不正。人多災。因此地下生傷人之物。如蛇虫之類。論水類。

則主江河湖泊泛漲傷物。海中惡風損船。若虧食主星是木星者。主萬物滋長。人事高貴安寧。諸物價賤。食用豐足。六畜蕃息。天氣平和。江河不溢。若火星是虧食主星。則燥熱傷物。人事中有爭鬪征戰。人患卒證。暴死瘟疫熱病吐血。強竊賊人生發。天氣極熱。起熱風雨少。井泉水缺。乾旱有火災。天色紅。流星多。海中有狂風傷船。五穀果木之類。亦有損傷。若虧食主星是金星。

者其應如木星之應。又人事中得陰人濟人之
所好亦多偏於陰人多成全婚姻之事人添子
嗣天色清朗明潤江河水增若虧食主星是水
星者看與何一星相照隨相照之星性情若不
遇星照者比別星起多事論人事則性急有機
變能知未來之事又強竊盜中發謀造意人生
乾燥病證如常發熱咳嗽怯弱吐血論天色因
本星性躁動靜輕必有狂風雷震霹靂地動一

應孳畜有傷第七說禍應有多寡者何以知之
日食時看日月相會是何宮分月食時看相望
是何宮分相會與相望時是何命宮又看虧食
主星在何宮分若虧食主星是吉星又與上所
言宮分吉照者已上所言災禍雖應稍少若虧
食主星是凶星又與宮分惡照者已上所言禍
應凶重又一云若虧食主星與上文所言宮分
相照先太陽從東出或留者目下災禍增若與

宮分相照。西落或逆行。或與太陽相衝。則已上所
所言凶禍減。又交食在各人命宮四柱內。則所
臨之處有災。假若在人命宮。則本身有災。在第
十宮。則官祿事不順。在第七宮。則妻妾有災。在
第四宮。則田宅耕種有傷損。又各人安命星盤。
看太陽在何宮分。若此宮分內日食。或太陽所
在宮分相衝處日食。則其人必有災禍。或太陰
所在宮分內日食。或太陰所在宮分相衝處日

食時。其人亦有災禍。

第十一門 說土木二星同度相纏

上古陰陽人取用一法。斷天下吉凶之事。其法說土木二星同宮同度。土星行中道。近三十年一周天。木星行中道。近十二年一周天。似此二星行二十年。一次同宮度。何則。土星二十年行八宮。木星二十年行一周天。又行八宮。第九宮二星同度相纏。又行二十年。又同度相纏。先從火局起。次至土局。次至風局。次至水局。每一局

十二次同度。或十三次同度。然後交別局。土星行中道。二十九年。一百一十五日。十五箇時辰。零三十四分。行一周天。木星行中道。十一年。三百一十三日。六箇時辰。零一十八分。行一周天。土木二星同宮同度時。一十九年。三百一十四日。一十四箇時辰。零一十七分。相遇一處。此為一次相會。十二次。計二百三十八年。一百一十四日。零一十四分。若十三次。計二百五十八年。

六十四日。零三箇時辰。假如二星初與同度時。是火局。從白羊宮初度起。第二次。又是火局。在人馬宮。第二度。二十五分。第三次。又是火局。在獅子宮。第四度。五十一分。第四次。又在白羊宮。第五次。又在人馬宮。第六次。又在獅子宮。似此相會十二次。或十三次。然後交土局。土局第一次。在金牛宮。第二次。在磨羯宮。第三次。在雙女宮。似此相會十二次。或十三次。然後交風局。風

局第一次。在陰陽宮。第二次。在寶瓶宮。第三次。在天稱宮。似此。相會十二次。或十三次。然後交水局。水局第一次。在巨蠍宮。第二次。在雙魚宮。第三次。在天蝎宮。似此。相會十二次。或十三次。前後共四十九次相會。第四十九次。是雙魚宮。二十八度。四十一分。相會皆遍。然後又從火局起。第一次。却在人馬宮。第一度七分。餘依前例推之。此是陰陽家緊要之理。自古以來。一切禍

福。皆從此斷。凡斷禍福。必取一命宮。若將土木二星同宮同度時。取一命宮。緣二星行遲。恐不得準。只將二星同宮同度之年。安年命宮為主。其同宮同度之故。云何。二星行中道。土星小輪。與木星小輪。正相對時。謂之同度。此二星內。看何星在小輪最高處。或近小輪高處。以其星為旺。為主。若木星為主。則天下安寧。年歲豐稔。有福祿善事。若土星為主。則歲歉。事務不成。人多

憂愁。却看當年安年命宮內。何星最強旺有力。若是木星。主年歲豐稔。人皆安寧。事務順快。若是土星。則年歉災傷。人多愁悶。事務不順。若是火星。則盜賊生發。刀兵征戰。及國政枉民。有火災。若是金星。則陰人事盛。人間有喜樂。婚姻音樂等事。若是水星。則吏人。經商。技藝等吉。若是太陽。主國家興旺。一切事務皆吉。及大小貴人。皆利於仕。若是太陰。則人民安樂。凡事皆吉。各

處有好音至。已上所言。一星強旺有力者如此。若二星強旺有力者。將二星之性相合斷之。如太陽與木星皆有力。主國有善政。四海安寧。若太陽與火星皆有力。則國家失政。民多受害。若太陽與土星皆有力。則與火星有力同斷。若太陽與金星皆有力。則國家荒淫。酒色音樂極樂之事。又陰人所事吉。若太陽與水星皆有力。則君王明聖。識見遠大。語言文學皆進益。若太陽

與太陰皆有力。則各國來朝。萬民感戴。若金星與土星皆有力。則陰人淫亂。小口有損。若金星與木星皆有力。主安樂豐足。貴人吉。又陰人吉。人間行善事。若金星與火星皆有力。則陰人淫亂。若金星與太陽皆有力。如上文所言。太陽與金星皆有力。同。若金星與水星皆有力。則人多好音樂詩辭等事。若金星與太陰皆有力。則多添子嗣。有喜信。若水星與土星皆有力。則多生

時。先從土木二星同宮同度。宮分并當年安年命宮分起。第二年論第二宮。第三年論第三宮。至十二宮畢。第十三年。又從兩命宮起。依前排去。又看二命宮主星。并逐年流年安年命宮主星。與吉星照。或凶星照。於此詳其各星強弱。以強旺者為主。斷其各年吉凶。又看土木二星同宮同度。并安年命宮主星。何星有力。廟旺。又有吉星相照。則尤有力。如此。主王者出世。其性依

旺星之性。若旺星在四柱上。或四輔柱上。則後代子孫中不當得位者。出而奪之。若在第一宮。或第六宮。或第九宮。或第十二宮。則應外人起而奪之。若強旺之星是土星。主出世之人年老見識遠大。亦主故家。若是木星。主其人有學有德。若是火星。主其人性剛好殺。若是金星。主其人性善修德。若是水星。主其人能言語多機謀。若是太陰。主其人家富且貴。又有才能。若是太

奸詐。妄談是非。若水星與木星皆有力。則多行善事。好學明理性。又利經商。若水星與火星皆有力。如上文所言。水星與土星皆有力。同。若水星與金星皆有力。如上文金星與水星皆有力。同。若太陽皆有力。如上文太陽與水星皆有力。同。若水星與金星皆有力。如上文金星與水星皆有力。同。若太陽與土星皆有力。則生謠言。驚恐人。多憂懼。諸物湧貴。若太陰與木星皆有力。則人間安寧。利出外。四方有好音。人多行善事。

若太陰與火星皆有力。則有爭鬪詞訟妄言。多生疾病。若太陰與太陽。或金星或水星皆有力。各與上文所斷同。若木星與土星。或火星皆有力。則善人改常為惡。若土星與火星皆有力。則有征戰。創生一切惡事。已上將土木二星同宮。度并當年安年命宮為主。斷其禍福在前。若論人品。已說見第二門。隨各星所關係之人。應驗。但此應驗。比前說年歲遠又大。若論禍福初起。

陽主帝王興旺。諸國來降。凡土木二星同宮。度所應之事。已云於上。要知其人何時出應。看當年安年命宮。度數至二星同度處。計幾宮幾度。或看當年安年命宮。度數至強旺星所在度數。計幾宮幾度。每一宮該一年。每一度該一十二日。餘六分之一。却看其人出應之年。將本年命宮為主。又將土木二星同宮。度之年。安年命宮小限參看。其人一切吉凶。依此二宮推之。凡土木

二星二十年一次同度。禍福應驗。其最應驗處。在二百四十年交局時。

第十二門說世運

凡世運有兩等說。第一等說推筭取用。上古智人。曾推究一切天下大事。斷決精詳。名曰世運。凡一運該三百六十年。每一年分四季。春季初起處。依曆法所定。太陽在雙魚宮二十度。二十四分。太陽正行。在磨羯宮初度。即太陽極增之數。太陽中行。在雙魚宮一十八度。將極增數。二度一十四分。添入中行度數內。合前曆法之數。

天文書二
四十一
共二十度一十四分。自此太陽漸漸上升。此春季之數也。夏季初起處。太陽到陰陽宮一十八度。太陽正行在白羊宮初秒。此處無增。似此太陽中行。即是曆法一十八度之數。此為太陽在最高處。秋季初起處。太陽到雙女宮一十五度四十六分。太陽正行在巨蠍宮初秒。到此為至增處。太陽中行在雙女宮一十八度。將極增數二度一十四分。於中行數內減去。合前數一十

五度四十六分。至此後太陽漸漸下降。冬季初起處。太陽到人馬宮一十八度。太陽正行在天稱宮初秒。至此數亦無增。此數合前數一十八度。此為太陽最低處。自春起度數。至夏起度數。計八十七度四十五分。自夏起度數。至秋起度數。亦八十七度四十五分。自秋起度數。至冬起度數。計九十二度一十五分。自冬起度數。至春起度數。亦九十二度一十五分。總計三百六十

日。此是太陽地心外輪所行度數。依上古曆法。一年分四季。將一運亦分四季。凡年一日。准運一年。上古智人。先於洪水滔天時。二百七十六年前。將土木二星同宮同度之年。作世運初起之首。其世運主星。是土星。宮分是巨蠍宮。此一。時。土星正在巨蠍宮。洪水滔天。正在此一運中。其行限。每年交一宮。從巨蠍宮起。次年。到獅子宮。又次年。到雙女宮。後以次排之。是年行限。亦

到巨蠍宮。若論世運。每一宮三十度。均分作三百六十年。每一年。該度數五分。三百六十年後。土星運滿。交木星主運。宮分是獅子宮。依上。主三百六十年。次交火星主運。宮分是雙女宮。次交太陽主運。宮分是天秤宮。次交金星主運。宮分是天蝎宮。次交水星主運。宮分是人馬宮。次交太陰主運。宮分是磨羯宮。依上。每運各三百六十年。又交土星主運。以次排去。每一運初起

時以太陽到雙魚宮二十度。一十四分為首。依
着西域紀年。六百一十五年間說。從世運初起
時。至此年。計四千六百二十三年。以三百六十
年為一運。除之。計一十二運。該四千三百二十
年。餘三百零三年。係水星主運。已過三百三年。
初起時。宮分是巨蠍宮初度。至六百一十五年
間。是二十五度。一十五分。小限每一年交一宮。
水星主運初起時。在巨蠍宮。至六百一十五年

間。小限到天稱宮。七曜逐年交一星。初起時。是
水星。至六百一十五年間。是土星。每一運分四
季。每一季有一主星。不問何運。第一季。是火星。
與運主星同伴。第二季。是太陽。第三季。是水星。
第四季。是土星。並與運主星同伴。凡世運。并世
運四季。并當年各有安命宮。若取世運命宮。待
太陽到雙魚宮。二十度。一十四分。看東方是何
宮度。出地平環上。就將此宮度為世運命宮。其

世運四季命宮。第一季并第二季。每季該八十七年。零二百七十日。第三季并第四季。每季該九十二年。零九十日。取命宮之法。與上同。若依着上古。取世運安命宮。并四季并當年安命宮之法。並看太陽到雙魚宮。二十度。一十四分。此時東方是何宮度。出地平環上。即此是安命宮度數。凡世運每運初起時。從雙魚宮二十度。一十四分起。每一年排一度。三百六十年。排滿三

百六十度。又係交運。又從頭排起。凡排到一宮幾度處。看其度是何星。分定度數。以其星為主。斷其吉凶。又看安世運命宮。是何宮度。出地平環上。將對黃道的赤道度數。為則數去。每一度該一年。只數赤道度數。看行到何宮度上。遇着何星。以其星之吉凶。斷其吉凶。若論小限時。從命宮起。一年交一宮。第二等說。上文所言。已行詳盡。後論斷決之理。凡交世運。或季運。必有更

改之事。若世運并季運主星皆吉。強旺。又有吉星相助。主出世之人興旺。福隆大吉。若世運主星。已是強旺。吉。又有吉星相助。後季運內若有凶星相遇。終不能作凶。依舊興旺。若又一季運主星。強旺有力。吉。又有吉星相助。主國家福大。疆宇開廣。四海來朝。若又一季運主星。凶弱。則國家不寧。有外境相侵。緣世運主星吉旺。終不為凶。若一運內。四季交遍。再交一運。其世運主

星。強旺有力。無凶星相照。并四季主星。亦強旺。無凶照者。主國家依舊興旺。世祚長遠。若又交一運。其世運主星。強旺有力。無凶星相照。并四季主星。亦強旺。無凶照者。主國家運祚綿遠。無更改。若世運主星。凶弱。又有凶星相照。則其國家力小。事紊。外境相侵。擾攘不寧。若遇交季。其一季運主星。又凶弱。又有凶星相照。則必有革命之事。若運主有力之星。是土。木。火。三星內一

星主外姓興起。其事業制度一切所為。並與前代不同。若世運主星是金水。太陰三星內一星。則更改。只在本枝葉內。不屬外姓。却有刀兵爭競。若世運主星是土木火。三星內一星。在本宮。或在廟旺宮。主國祚綿遠。一運之內。人壽長。一切事務皆堅久。如世運主星是土星。在寶瓶宮。或在天秤宮。即是本宮廟旺。若世運主星是金水。太陰三星內一星。又弱無力。又在陷宮。或在

太陽光下。或遇凶星。則國祚年促。凡事不久。人壽短。所作事業。微留顯迹。若世運主星是土木火。三星內一星。在本宮。或在廟旺宮。又那二星。在世運主星宮分內。或在廟旺宮內。又與世運主星吉照。主國家疆土廣遠。四海一統。假如世運主星是火星。宮分是磨羯宮。火星又在磨羯宮。世運年命宮是白羊宮。木星土星。又在天蠍宮。與火星吉照。火星順受土木二星。則吉。應如

上所云也。若世運主星強旺。又為季主星。主世運一季內。國家大興旺。若世運主星是土星。主國家興旺之福。後勝於前。為第四季主星。是土星。又世運主星。亦是土星。所以後勝於前也。若世運主星。并世季主星。強旺。行小限到火星。或與火星相衝。四正照。又火星是當年主命星。其年有反叛。刀兵起。十年方定。國家依舊。若已上二運。小限與火星相衝。或四正照。在風局。火星

又是主命星。又世運主星。亦在風局。主其年。天上顯妖象。紅氣流星。地上有大火災。若已上二運。行限到土星。又土星是主命星。在水局。主其年大水。若土星在土局。則其年地震。地陷。若在風局。主天色極寒。風雪大。若世運主星是土星。或火星。其宮分。又是本星宮分。又小限遇凶星。則四方橫事起。其橫事最重處。在何城池。假若有日食。看日食宮分。是何城池。安年命宮。或第

四宮。或第七宮。或第十宮。或安年命時。太陽。太陰。所在宮分。交食者。此處城池。已上所言災禍。甚重。其應疾。又其年主命星。是凶星。小限行到弱宮。太陰在命。又與凶星照。則已上所言災禍。愈重。遠且大也。凡一應大事更變。但看土木二星同宮度時為主。若交運之際。遇土木二星同宮度者。最重。故凡事以此為主。

